

Zašto je važno smanjiti broj izostanaka?



„Prisustvo na nastavi važan je dio odgojno-obrazovnog procesa. Samo putem redovnog prisustva na nastavi mogu se kvantitativno i kvalitativno ispuniti svi odgojni i obrazovni ishodi predviđeni Nastavnim planom i programom. Saradnja roditelja sa školom u ovom segmentu je najvažniji dio slagalice za sveobuhvatnu izgradnju zdrave mlade ličnosti nakon okončanja osnovnog obrazovanja.“

Direktor škole
Hasičić Asmir, prof.

Za Vaša pitanja stojimo na raspolaganju:



JAVNA USTANOVA
OSNOVNA ŠKOLA
„MALTA“

Marka Marulića 27
71000, Sarajevo
Sekretar/fax +38733613502
Direktor: +38733613501
Pedagog: +387407542
Bibliotekar: +38733407543
skola.malta@gmail.com
www.osmalta.edu.ba



JU OŠ „MALTA“

SARAJEVO

BROŠURA O PREVENCIJI
UČENIČKIH IZOSTANAKA



*„...jer nam je obrazovanje
Vaše djece najvažnije.“*



O učeničkim izostancima u Ministarstvu za obrazovanje, nauku i mlade Kantona Sarajevo i Prosvjetno-pedagoškom zavodu?

U analizi koju je za školsku 2014/2015 godinu provelo nadležno Ministarstvo obrazovanja i PPZ alarmantno se ukazuje na visoki stepen broja opravdanih i neopravdanih učeničkih izostanaka (38,02 po učeniku u KS).



U KS u protekloj školskoj godini u osnovnim školama zabilježeno je 1.354.160 opravdanih i 53.935 neopravdanih sati što prosječno po učeniku iznosi 39,23 izostanaka.

U srednjim školama zabilježeno je 1.040.175 opravdanih, a 261.645 neopravdanih sati, znači prosječno i učeniku 70,60 izostanaka.

Izvor: <http://www.klix.ba/vijesti/bih-u-kantonu-sarajevo-ucenici-izostali-skoro-3-miliona-puta-u-protekloj-školskoj-godini/140925053>

Ako uzmemo u obzir visoku srednju prosječnu ocjenu učenika na kantonalnom nivou i uporedimo sa brojem izostanaka koje su učenici napravili, dovodi se u pitanje učenički uspjeh i standard.

Važno je znati Pravila škole!

U skladu sa Pravilima JU OŠ "Malta" (broj 01-112-1/15 od 7. maja 2015.) tretira se pitanje učeničkih izostanaka:

✓ Član 50, stav 1, alineja a

Učenici su dužni da redovno pohađaju nastavu u toku perioda predviđenog za obavezno obrazovanje.

✓ Član 54

U slučaju kada učenik ima opravdanih razloga da izostane sa nastave, izostanak odobrava:

- a) **Nastavnik razredne nastave za učenike I-IV razreda, razrednik za učenike V-IX razreda do 3 dana**
- b) **Direktor škole do 7 dana**
- c) **Nastavničko vijeće do 15 dana**

Za odobravanje izostanaka sa nastave iz stava a) roditelji/staratelji podnose pismeni zahtjev nastavniku/razredniku, za izostanke iz stava b) direktoru škole i za izostanke iz stava c) Nastavničkom vijeću škole.

✓ Član 55

Svaki drugi opravdani izostanak učenika sa nastave roditelji/staratelji su dužni opravdati usmeno ili pismeno u roku od 7 dana.

Roditelji/staratelji imaju pravo da usmeno opravdaju izostanak učenika od ukupno 3 nastavna dana u toku školske godine. Razrednici su odgovorni za praćenje, evidenciju i provedbu ovoga prava roditelja/staratelja.

Ukoliko roditelj ne prijavi razlog izostanka u navedenom roku smatraće se da je izostanak neopravdan.

✓ Član 123., stav 1, alineja c:

"Obaveza roditelja je da opravdaju izostanak učenika iz škole u utvrđenim rokovima i na propisane načine".

✓ Član 138., stav 5:

Nastavničko vijeće škole može učenicima, koji su proglašeni perspektivnim i vrhunskim sportistima i nadarenim učenicima s vrhunskim rezultatima na kantonalnom, federalnom, državnom ili međunarodnom takmičenju, odobriti dugoročno ili kratkoročno odsustvovanje sa nastave radi pripremanja i učešća na takmičenjima.

Kako roditelji mogu pomoći?

✓ Pošaljite svoje dijete u školu!

✓ Pobrinite se da je vaše dijete obavilo školske zadatke i obaveze zbog kojih možda izbjegava prisustvovati nastavi.

✓ Redovno pratite prisustvovanje nastavi vašeg djeteta u saradnji sa učiteljima i razrednicima škole.

✓ Obavještavajte redovno školu o okolnostima kada Vaše dijete neće prisustvovati nastavi iz opravdanih razloga.

✓ Posjećujte redovno informativne i roditeljske sastanke.

✓ Prihvatite pomoć i saradnju škole te drugih nadležnih institucija ako se javi problem prisustvovanja Vašeg djeteta na nastavi.

✓ Vodite računa da NISU opravdani izostanci Vaše djece po sljedećim razlozima:

- dijete je umorno ili neraspoloženo
- dijete ima posla kući ili mora čuvati mlađu djecu
- vremenski uvjeti ne pogoduju djetetu da krene u školu
- putovanja u zemlji i van zemlje bez značajnog povoda
- dijete nije naučilo lekciju/nije uradilo zadatak
- dijete ima problema ili nesuglasica sa vršnjacima u školi